

Na osnovu člana 72. stav (3) tačka c). Zakona o javnim nabavkama („Službeni glasnik BiH“, broj: 39/14 i 59/22), a u vezi sa Rješenjem o prenosu ovlaštenja na državnog službenika u organu državne službe broj: 02/04-A-7308-2023 od 03.05.2023.godine, Pomoćnik gradonačelnika za Službu za komunalne poslove, izgradnju i poslove mjesnih zajednica, donosi:

ODLUKU o dodjeli ugovora trećerangiranom ponuđaču

Član 1.

Ugovor za nabavku i isporuku peleta za potrebe mjesnih zajednica, dodjeljuje se trećerangiranom ponuđaču „EURO STIL“ doo DOBOJ, u skladu sa svojom ponudom, a nakon provedene e-aukcije, sa ponuđenom cijenom od 47.952,00 KM bez PDV-a odnosno 56.103,84 KM sa uračunatim iznosom PDV-a, nakon što najpovoljniji ponuđač nije, u ostavljenom roku, dostavio dokumentaciju, a zatim drugoplasirani ponuđač, u pisanoj formi odbio dodjelu ugovora, a nakon Odluke o izboru najpovoljnijeg ponuđača, odnosno Odluke o dodjeli ugovora drugorangiranom ponuđaču.

Član 2.

Ovom odlukom stavljaju se van snage:

- Odluka o izboru najpovoljnijeg ponuđača broj: 05/11-A-002731-2023 od 06.04.2023. godine, kojom se ugovor za nabavku i isporuku peleta za potrebe mjesnih zajednica, dodjeljuje ponuđaču „T&L TRANSPORT I LOGISTIKA“ doo Sarajevo.
- Odluka o dodjeli ugovora drugorangiranom ponuđaču broj: 05/11-A-002731-2023 od 08.05.2023. godine, kojom se ugovor za nabavku i isporuku peleta za potrebe mjesnih zajednica, dodjeljuje drugorangiranom ponuđaču „I-SELIMOVIC“ doo Cazin.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05/11-A-002731-2023 od 27.02.2023.godine.

Postupak nabavke je proveden putem otvorenog postupka za koji je objavljeno obavještenje o nabavci broj: 1004-1-1-8-3-60/23 dana 03.03.2023.godine na Portalu javnih nabavki.

Postupak nabavke provela je Komisija za nabavke imenovana Rješenjem broj: 05/11-A-002731-2023 od 27.02.2023. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 6 (šest);
- da je blagovremeno zaprimljeno 6 (šest) ponuda;
- da nije bilo neblagovremenih ponuda;
- da su 4 (četiri) ponude prihvatljive i da su 2 (dvije) ponude neprihvatljive.

Svi ponuđači su obaviješteni o rezultatima postupka nabavke, te je najpovoljniji ponuđač, a nakon provedene e-aukcije, pozvan da dostavi dokumentaciju iz člana 45. Zakona o javnim nabavkama i ostalu traženu dokumentaciju u skladu sa uslovima iz tenderske dokumentacije u roku od 7 dana od dana prijema obavještenja o rezultatima postupka.

Obzirom da izabrani najpovoljniji ponuđač „T&L TRANSPORT I LOGISTIKA“ doo Sarajevo do predviđenog roka za dostavu tražene dokumentacije, iz člana 45. Zakona o javnim nabavkama nije dostavio istu, ugovorni organ je postupio u skladu sa članom 72. stav (3) tačka a). Zakona o javnim nabavkama, te je ugovor dodijelio drugorangiranom ponuđaču „I-SELIMOVIC“ doo Cazin.

Drugorangirani ponuđač „I-SELIMOVIĆ“ doo Cazin je, nakon što mu je dostavljena obavijest da je istom dodjeljen ugovor kao drugorangiranom ponuđaču, dostavio akt Obavijest broj: 58-P/23 od 15.05.2023. godine u kojem obavještava ugovorni organ da odustaje od dodjele ugovora, te da nije u mogućnosti potpisati ugovor.

U skladu sa naprijed navedenim, Ugovorni organ je postupio u skladu sa članom 72. stav (3) tačka c) Zakona o javnim nabavkama i ugovor dodijelio trećerangiranom ponuđaču „EURO STIL“ doo DOBOJ, kao što je i navedeno u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove odluke.

Bosna i Hercegovina
Federacija Bosne i Hercegovine
zajednica
Tuzlanski kanton
GRAD TUZLA
Služba za komunalne poslove, izgradnju
i poslove mjesnih zajednica
Broj: 05/11-A-002731-2023
Datum, 23.05.2023.godine

Pomoćnik gradonačelnika za Službu za
komunalne poslove, izgradnju i poslove mjesnih

Dr.sc. Miralem Mulać, dipl.ing.geol.